

# Сургъульчирт үнтä белг өггдв

Элст балгъсна барун захднь хойр давхр, цагъадж дүүврдсн гер одахн шидр тосхгддж дуусгдв. Эн дундин школин шин гер 400 күүкд-көвүд сургъуль сурх зäätä, дотран ик-ик өрäs-класста, сургъулин көдлмш бүрдäхд сән таасмджта эн гер сентябрин нег шинд үүдән секдж, байрин шуугата, оln көвүд-күүкд орулдж авб.

15 джил хооран эн гериг немецк-фашистск деермчнр, Элстäs көбгдäд зулдж гархларн, шатагъад, хамхлдж хайсми. Терүнас нааран нидн джил күртл ясгдлго бääсми. Энджл хаврин түрүнд эн герин тосхлтур, хойрдгч управленä тосхачнр ирцхäсми. Эдн икзуудан төрски газрун ирцхäсн хальмг багъчуд-тосхачнр билä. Тингäд школин эн гериг ясдж босхлгън ик хурдар уралан йовв.

Тосхачнрин өмн багъ биш харшлт чигн үзгдв: тосхлтин материал саамдан уга болад, көдлмш зогедг билä, күүч-көлс бүрдäлгънд чигн дуту-дунд бääв. Болв эн тоотиг тосхачнр диилдж чадцхав.

Тосхлтд көдлächнр чидл-күүчән хармнлго, социалистическ дөрлдä делгрүлäd көдлснä ашднь, августин 29-д школин шин гер белн болсиг, государственн комисс хäläдж, көдлмшт орулдж авв. Школ сäänär тосхгддж, Элст балгъсна школумдин сән нег школ болджана гидж комисс йилгъв.

Эн тосхлтд кесг шунмгъа,

көдлмшин өмн нүүрт йовдж көдлдг улсин нернь туурв. Эдн дунд йовхнь: штукатурщикүд Ф. Онголдушев, М. Дентеликова, Н. Поленко болн А. Цаганов; урчуд Ходжаев болн Шонкутова; көдлмшчнр Букреева болн Басангов; шилсуулгъач Лиджиев, нәрн урч Котлидиев, арматурщикүд Б. Сангинов, А. Павлов болн нань чигн улс. Эдн кех-күүцäх көдлмшин зурагъан 140-230 процент күргдж күүцäдж йовв.

Эн тосхлтиг шуд гардсн улснь десятник О. Болдырев, прораб Ашкинов, ах прораб Д. Кулаков. Эдн күүч-көлс сäänär бүрдäлгънд оньган тävдж, цагиг тооцлуга көдлджäv. Школин гериг болзгтнь көдлмшт орулхин төлä эдн чидлән, медрлән хармнлго зүткдж йовцхав.

Шин школд сургъулин джил эклв. Белгән өгсн тосхачнр, мана көвүд-күүкд сургъулән сäänär дасдж, орн-нутгтан тоомсрта, медрлтä улс болдж гарцхах гидж ицджäцхәнä.

Тосхачнрт цазаранднь кех көдлмш дала. Көдлмшин сән дамшлтан олзлдж, школин шин гермүд тосхлгъиг улм сäänär кех—мана эрки төр. Элстд ода бас, 400 күүнä зäätä, шин школ тосхгдлгън эклв. 520 күүнä зäätä, дотран интернатта шин школ бас тосхгдхмн.

М. ГУНАЕВ.

Школин гериг көдлмшт орулдж авлгъна государственн комиссин член.